



Broj: 07-06-25-15125/16
Sarajevo, 17.01.2017. godine.

Ministarstvo privrede Kantona Sarajevo rješavajući po zahtjevu investitora Safeta Zijadića iz Ilidže u postupku izdavanja prethodne vodne saglasnosti za snabdijevanje vodom i ispuštanje sanitarno-fekalnih voda iz gospodarskih objekata-peradarnika za uzgoj pilića, i to objekta A, objekta B i objekta C pilića, koji se planiraju graditi u naselju Rakovica, ul. Rudnik br. 76 D, općina Ilidža na osnovu člana 111. stav 2. a u vezi sa članom 139. stav 2. tačka 1. i 2. Zakona o vodama ("Službene novine Federacije BiH", broj: 70/06), te člana 17. stav 2. tačka 1. i tačka 10. Pravilnika o sadržaju, obliku, uvjetima, načinu izdavanja i čuvanja vodnih akata ("Službene novine Federacije BiH", broj: 31/15) i člana 200. stav 1. Zakona o upravnom postupku ("Službene novine Federacije BiH", broj: 2/98 i 48/99), d o n o s i:

R J E Š E N J E

1. Daje se **prethodna vodna saglasnost** investitoru Safetu Zijadiću iz Ilidže, za snabdijevanje vodom i ispuštanje sanitarno-fekalnih voda iz gospodarskih objekata-peradarnika za uzgoj pilića, i to objekta A gabarita (65 x16,5) m, objekta B (45 x16,5) m i objekta C (23,3 x10,6) m, koji se planiraju graditi u naselju Rakovica, ul. Rudnik br. 76 D, općina Ilidža, na zemljištu označenom kao k.č. br. broj: 489/37, 489/60 i 489/61 K.O. Rakovica, zk stanje, što odgovara k.č. br. 609, 610, 611 i 612/1 K.O. Rudnik.
2. Prethodna vodna saglasnost daje se na osnovu dostavljene tehničke i druge dokumentacije od strane investitora i pod sljedećim uslovima:
 - 2.1. Da se izrada ovog dijela investiciono-tehničke dokumentacije povjeri pravnom licu koje posjeduje Ovlaštenje za izradu dokumentacije na osnovu koje se izdaju vodni akti, prema odredbama Pravilnika o sadržaju, obliku, uslovima, načinu izdavanja i čuvanja vodnih akata ("Službene novine Federacije BiH", broj: 31/15).
 - 2.2. Da se investiciono-tehničkom dokumentacijom daju sljedeća tehnička rješenja:
 - da se snabdijevanje objekta vodom vrši priključenjem na javnu vodovodnu mrežu k, na način da se izgradi priključni cjevovod dužine L=70 m od daktil cijevi profila DN 100 mm, kako je to propisano u odgovoru na zahtjev za preispitivabnje saglasnosti broj: 4296/16 od 30.11.2016. godine, koju je dalo KJKP "Vodovod i Kanalizacija" d.o.o Sarajevo;
 - da se obezbijedi radni pritisak u vodovodnoj mreži kako bi se zadovoljile potrebe sanitarne i hidrantske mreže;
 - ukoliko se za potrebe procesa u objektu farme tokom njenog korištenja planira koristiti voda iz riječnog vodozahvata ili izvorišta, potrebno je za korištenje tog vodozahvata i izvorišta dobiti vodnu dozvolu uz prethodno provedeni postupak dodjele koncesije za korištenje istog;
 - da se fekalne vode iz sanitarnog čvora ispuštaju u višekomornu vodonepropusnu septičku jamu bez preliva, koja treba biti potrebnog kapaciteta da zadovolji potrebe objekta, a čišćenje i pražnjenje septičke jame treba da vrši ovlašteno pravno lice;
 - da se septička jama postavi na lokaciji na način da nema negativne uticaje na susjedne objekte;



- da se investitor obrati nadležnoj Agenciji za vodno područje rijeke Save, koja će shodno svojim nadležnostima izdati vodne akte, a ukoliko utvrdi da nije potrebno izdavanje vodnih akata, ista se treba se očitovati u pisanoj formi;
 - otpadne vode od pranja i održavanja objekta peradarnika se trebaju ispuštati u osočnu jamu;
 - prije ispuštanja otpadnih voda u prirodni prijemnik voda se treba prečistiti, kako bi bila u skladu sa parametrima definiranim „Uredbom o uslovima ispuštanja otpadnih voda u okoliš i sisteme javne kanalizacije” („Sl.novine Federacije BiH” broj: 101/15 i 1/16);
 - da se za privremeno deponovanje prostirke i đubriva planira vodonepropusna betonska laguna, gdje će se privremeno odlagati prostirka i đubrivo, sve do njihovog trajnog odlaganja na mjesta koja trebaju biti izvan vodozaštitnih zona izvorišta kao i izvan riječnih tokova;
 - da se odlaganje prostirke vrši redovno kako ne bi imalo negativne uticaje na okoliš tj. da se prostirka i đubrivo u laguni zadržavaju minimalno;
 - da se za privremeno odlaganje uginulih pilića obezbijedi poseban prostor i rashladne boksove, te da se njihovo trajno zbrinjavanje vrši na način kako je to zakonom propisano i to preko ovlaštenih pravnih lica, koja imaju odobrenja za upravljanje ovom vrstom otpada;
 - da se investiciono-tehnička dokumentacija uskladi sa prostorno planskom i provedbenom dokumentacijom;
 - da se i drugim otpadom koji nastaje u procesu rada upravlja na način da nema negativnih uticaja na okoliš tj. da se primjenjuje važeća zakonska regulativa iz oblasti zaštite okoliša;
 - da se definira položaj objekata u odnosu na autocestu, te da se bilo koje vode ne ispuštaju u objekte odvodnje koje pripadaju autocesti na koridoru Vc.
- 2.3. Investiciono-tehničku dokumentaciju uskladiti sa prostorno-planskom dokumentacijom uz prethodno pribavljene urbanističke, geodetske, hidrološke i druge potrebne podloge.
3. Važenje ove predhodne vodne saglasnosti prestaje ukoliko se u roku od tri godine dana, od dana izdavanja rješenja ne podnese zahtjev za izdavanje vodne saglasnosti.
4. Ova predhodna vodna saglasnost izdaje se i može se koristiti isključivo za potrebe izdavanja urbanističke saglasnosti i okolinske dozvole.

Obrazloženje

Investitor Safet Zijadić, podnio je zahtjev za izdavanje prethodne vodne saglasnosti za snabdijevanje vodom i ispuštanje sanitarno-fekalnih voda iz gospodarskih objekata-peradarnika za uzgoj pilića i to: objekta A gabarita u osnovi (65 x16,5) m, objekta B (45 x16,5) m i objekta C (23,3 x10,6) m, koji se planiraju graditi u naselju Rakovica, ul. Rudnik br.76 D, općina Ilidža, na zemljištu označenom kao k.č. br. broj: 489/37, 489/60 i 489/61 K.O. Rakovica, zk stanje, što odgovara k.č. br.609, 610, 611 i 612/1 K.O. Rudnik.

U provedenom postupku dostavljena je i pregledana sljedeća dokumentacija:

- Kopija katastarskog plana 1:2500;
- ZK uložak broj: 492;
- rješenje-urbanistička suglasnost broj: 03-23-4354/16 od 12.07.2016. godine, koju je izdala Služba za prostorno uređenje, općine Ilidža, sa lokacijom objekta i urbanističko-tehničkim uslovima;
- Studija za izdavanje prethodne vodne saglasnosti za poslovni objekat (farma za tov brojlera), koju je izradila firma „Perspektiva-Inžinjeri” d.o.o Visoko;
- odgovoru na zahtjev za preispitivanje saglasnosti broj: 4296/16 od 30.11.2016. godine, koju je dalo KJKP "Vodovod i Kanalizacija" d.o.o Sarajevo;

Izgradnja objekta vrši se na lokalitetu naselja Rakovica ulica Rudnik br.76 D, općina Ilidža, gdje postoji mogućnost priključenja na javnu vodovodnu mrežu ali nema kanalizacione mreže.



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



Snabdijevanje vodom planira se priključkom na javnu vodovodnu mrežu prema uslovima KJKP "Vodovod i Kanalizacija" d.o.o Sarajevo.

Sanitarno-fekalne vode se planiraju ispuštati u višekomornu vodonepropusnu septičku jamu, koja se treba redovno održavati i prazniti putem ovlaštenog pravnog lica koje posjeduje specijalizirano vozilo za tu namjenu. Položaj septičke jame na lokaciji treba da je na mjestu koje je pristupačno za prilaz specijaliziranog vozila za njeno čišćenje i pražnjenje.

Namjena objekta je takva da se u prosecu rada stvara otpadna voda, pa je investitor obavezan od nadležne Agencije za vodno područje rijeke Save, pribaviti potrebne vodne akte, ukoliko nisu potrebni ista se treba očitovati u pisanoj formi.

Otpadna voda prije ispuštanja u prirodni prijemnik, treba zadovoljiti kriterije definirane „Uredbom o uslovima ispuštanja otpadnih voda u okoliš i sisteme javne kanalizacije” („Sl.novine Federacije BiH” broj: 101/15 i 1/16);

Tačka 1. dispozitiva temelji se na članu 107. stav 1. Zakona o vodama (“Službene novine Federacije BiH”, broj: 70/06).

Tačkom 2. dispozitiva investitoru su propisani uslovi koje treba u cjelosti ispuniti u skladu sa članom 111. stav 1. Zakona o vodama (“Službene novine Federacije BiH”, broj: 70/06).

Tačkom 3. dispozitiva propisan je rok važenja ove predhodne vodne saglasnosti u skladu sa članom 111. stav 3. kao i obaveza pribavljanja vodne saglasnosti u skladu sa članom 114. Zakona o vodama (“Službene novine Federacije BiH”, broj: 70/06), a kojom će se utvrditi da je u svemu postupljeno prema ovom rješenju i projektnoj dokumentaciji.


Tačka 4. dispozitiva temelji se na članu 111. tačka 2. Zakona o vodama (“Službene novine Federacije BiH”, broj: 70/06).

Na temelju navedenog i provedenog postupka dato je rješenje kao u dispozitivu.

Taksa iz člana 5. tarifni broj 19 a, Zakona o administrativnim taksama (“Službene novine Kantona Sarajevo”, broj 31/01-Prečišćeni tekst 22/02, 10/05, 26/08 i 23/16), u iznosu od 35 KM uplaćena je, na račun broj: 3380002210019263, vrsta prihoda 722121.

Pouka o pravnom lijeku: Protiv ovog rješenja dozvoljena je žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se predaje putem ovog Ministarstva i taksira se sa 15 KM federalne administrativne takse, na osnovu člana 14. tačka 1. i 2. po tarifnom broju 3. Zakona o federalnim upravnim taksama i tarifi federalnih upravnih taksi („Službene novine Federacije BiH” broj: 6/98, 8/00, 45/10 i 43/13).



MINISTAR

Dr. Muharem Šabić

Dostavljeno:

- Safet Zijadić
ul. Umihane Čuvidine br.47-Ilidža,
- “Agencija za vodno područje rijeke Save”
Sarajevo ul. Hamdije Čemerlića br.39A,
- Vodna inspekcija Kantona Sarajevo,
- Vodna knjiga,
- a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

